REMONSTRAN-

CE PAISIBLE A MADAME

Elizabeth Royne d'Angleterre, & d'Irlande: Touchant les affaires du monde, gouvernement politique des Royaumes, Republiques, & Empires: & restablissement d'une paix & de l'ancienne Catholique Religion, selon la doctrine des anciens Peres, & Docteurs de l'Eglise Catholique, Apossolique, & Romaine.



A PARIS,

Pour Michel de Roigny, rue S. Iacques, aux quatre Elemens.

M. D. XCIX.

AVEC PRIVILEGE DV ROY.



REMONSTRANCE

CHRESTIENNE A MADAME Elizabeth, Royned'Angleterre,

& d'Hirlande.



Es to 1s bien au parauant, Royne debonnaire, enclin & affectióné vers voltre Maiché, ayant entendu les graces que Dieu a mifes en vous, tant en la bonté d'esprit

dont il vo a douce, qu'en l'excellece des lettres & estudes, qui tant en Grec qu'en Latin reluilent en voe de forte qu'auec la courone royalle on y voit ioincle vne erudition finguliere. Mais depuis que quelques vn m'ont rapporté qu'outre cela, vous lifez volotiers mes escrits, & y preniez recreation & plaifir, certainemet ce point a si fort accreu l'affection d'humble feruice que ie vous portoye, qu'il ne me seroit pas possible l'exprimer par parolles. Or si ceux qui le m'ont dit m'en ont parlé au vrav, ou s'ils ont auancé cela cuidans me faire plais fir, iele puis affeurer, quoy qu'il y ait, ie sçay que tel propos m'a esté tresagreable, & ay penté foudain en moy-mesme, comment ie vous pourray declarer par escrit special, & dedier à

voltre Maiesté, ma tres-humble servitude. Car ie ne sais point doubte que vous ne receuiez mes lettres de mesme humanité de laquelle vous lifez mes œuures, fi tant eff que vous les lifez, & que vous y preniez tel plaifir que l'on m'a donné à entendre, & de tant plus vous feront ces lettres aggreables que les autres œuures miennes, dont vous auez en la lecture, regardent en general le profit & maniement comun des Royaumes & republiques de ce mode. Mais celles y concernent particulierement la conservation, & florissant estat de voltre Royale couronne, & les moyens de l'illustrer & decorer de plus en plus. Finablement, qu'y a-il plus admirable que d'establir vne republique ou Monarchie fleurissante en paix, abondance de tous biens, & là où la tranquillité & repos tiennent le premier lieu, & foyent egalement distribuez enuers toutes personnes sels iustice & deuoir. Mais si les hommes qui exercent dignemet ceste charge, & dressent toutes leurs actions & pensees au profit de la republique, & manient les affaires par conuenable dexterité, & gouvernent sagement le Royaume, & scauent par grande moderation Vier du temps selon les occasions proposees, & repoussent d'vn courage inuincible & constant toutes choses qui tendent au dommage du bien public, sont dignes d'admiration, & Louange. Certes quand vne femme appellée à ce haut degré Royal, faict les mesmes choses, elle est digne de recommendation singuliere,. &doit beauçoup plus exciter le monde, en admiration de soy. Car qu'y a-il plus esmerueil= lable que de voir en vn fexe feminin vne con stance & force virile, vne prudence d'aage meur, & enuieilly aux affaires, & en si grande affluence de richesses, y voir exceller encores. vne attemprăce & treflouable modestie! Mais que trouuera-on plus rare, & digne d'estonnement, qu'en ce sexe y voir reluire tant d'heroiques vertus, suffisantes à porter le faix d'vn si grand Royaume, & le conduire si bien & par telle louange, que la renommée en court par tout? chose qui à peine se peut manier par le conseil de plusieurs grands hommes, quelque autorité, experience, & doctrine, qui puisse efire entre eux? Parquoy fi en toutes autres occurences des temps & lieux, ny retenir la trãquillité necessaire. Bref, il ne peut viure à son sise ny en repos, s'il n'est accompaigné & entourté d'vne bonne, & grande assemblée de ens d'honneur, de prudence, & de vertu, qui Soyent à toutes heures attendans, & vigilans aux choses qui suruiennent: car comme pours roit vn seul œil voir tant de choses qu'il faut au gouuernement d'vn Royaume, ou vne feu le oreille entédre aux requestes de tant de gés qui se presentent, ou vn seul esprit decider de tant d'affaires, qui concernent l'estat, & salut

de la republique il faut donc necessairement appeller beaucoup de gens à tel grand negoce, & les faire participans de l'administration du Royaume, & regarder qu' ils foient munis & ornez de mesmes biens & vertus, qui sont requises aux Roys: à sçauoir de iustice, temperance, force, grauité, constance, liberalité, & de celle qui en soy comprend toutes les autres que lon nomme, sapience. Et faut d'abondant qu'ils ayent si grande experience en eux qu'ilz considerent soudain, & iugent droictemet de toutes choses qui se presentent, & par le discours des passees prenoyent celles qui sont à venir, & que la fidelité & attemperance y foit fi grande, que par nul gaing, ambition, honneur, ou profit particulier, ils n'oublient iamais leur deuoir, & ne soyent destournez de la verité, & de si grand vertu & magnaminité, que nul danger ne crainte de chose qui soit ne les empesche à dire proprement & librement tout ce qu'ilz cognoistront appartenir au salut & bien public : car il ya plusieurs, qui bien qu'ils soient tresaffectionnez à la republique, & ayent prudence & sçauoir pour donner bon & vtile confeil:neantmoins craignans soquent d'offencer les Princes' n'osent dire ce qui leur semble, parce que tout ainsi que les malades resussent souvent la medicine &reiettent les choses bones & propices à leur conualescence, pour l'aigreur & amertume

liez.

en#

eros

new

120

i Mi

do

xda

18:

uns

uela

ille

TEN.

his

80

bleed

to,¢

igilia

post

nefer

degi

der t

fill

qu'ilz y sçauent estre, à l'opposite desirent cels les qui sont du tout cotraire à leur santé, allichez de quelque appetissame douceur qui y est, aussi les Princes naurez & transportez de leurs affections, mesprisent souventessois les bons conseils & remedes, & en veulent mal à ceux qui les donnent, & se laissent aller aux beaux & vains appas de la fauceté, qui desgui fée & fardee gorgiasement les attire à soy & & deçoit:dont aduient que laçoit quau com : mencement elle leur denne contentement & plaisir, pour iéne sçay quelle volupté qu'ils y trouuent, si est-ce que apres ils en reçoyuent, quoy qu'il tarde, tristesse &douleur, & portent la peine de leur temeraire & folle creance, & de ce que repoussans la verité, ils ont doné lieu à la mensonge:car comme il n'y a chose plus divine que la verité. On void donc bié que toute la felicité de la vie heureuse, consiste en la verité: & au contraire, tout le malheur & infelicité des homes procede de menfonge & fauceté : parquoy tous Princes & grands Roys, qui ont leur honneur en recommendation, & aiment le profit de leur Royau me, & conferuation de leur estat, doiuent sur toutes choses retenir ceste doctrine, la louer, l'extoller, la suiure, tant en faits qu'en paroles, qui porte, qu'il ny a rien plus cher ny plus desirable que la lumiere de verité, laquelle ils doiuent preferer atous autres souhaits & de-

firs: car par ce point, ils deliureront tous les gens de bien qui sont souz eux, de crainte, & reprimeront l'impudence des flatteurs et adus lateurs. Pour a quoy plus aisement paruenir, il est besoing qu'ils soyent affectionnez vers les hommes, qu'ils cognoistront bons & studieux de la verité, qu' ils les cherissent, les tiennent pres d'eux, leur facet du bien, & leur departent les grandes charges & honneurs de leurs Royaumes: Et à l'opposite, qu'ils repoul fent & chassent bien loing de leurs cours, vn tas de vaut neans, qui ne sont bons qu'à cons trouuer & forger ordinairement flateries et memfonges. Qu'ils les banissent donc et chafsent de leur compaignie, et les jugent indignes de tout honneur: car ces flateurs sont ennemis perpetuels de la verité, haissent les bons, nuisent aux Princes,& mettent en ruine leurs affaires. Bref, ils ne sont pas seulement trespernicieux au bien public, mais encore sont enuersDieu detestables:car quiconque oppugne la verité, fait guerre ouverte au grand et souuerain Seigneur et createur de toutes choses, qui est luy mesme l'eternelle et grande veri= té. Parquoy telles gens sont dommageables au monde, & hays de Dieu, & en effect vrayes pestes du genre humain, qui doyuent estre efloignez de toutes accointances, familiaritez, & accez des Gentils hommes, & de tous aus tres, qui suyuent la vertu, & enuoyez en per-

tc,

tm

ers

logi

100

ent

THE .

k po

16 N

COS

E

GCT:

aro-

petuel exil, ou cofinez en quelque petit coing du monde desert & inhabitable,où ils n'ayent occasion ny moyen de nuire, de peur qu'ils n'infectent les grands cours & lieux, ceux qui les hantent,& que la poison ne paruienne aux Roys, peruertisse & rrouble leur estat, & ne ruine par contagion & maladie mortelle le bien public: D'auantage, est à considerer, que ceux qui par vraye vertu, & non par fraude & dol, ou autres telles menees & moyens mau= uais, premierement en l'amitié & faucur des Roys, ont tant leur honneur & foy en recommendation, qu'ils estiment tous les biens & richesses quen ontreceu, deuoir estre exposées & rapportées au profit de ceux de qui ils les tiennent & ont. Mais ceux qui par dissimu. lations & apparences fein ces, d'industrie & de vertu, les ontacquises & obtenues des roys n'en font pas ainsi, ains convertissent le tout à leur profit particulier, & qui pis est, souuent les trahissent & ruinent leur estat, ou les oppugnent et guerroient appertement. Par où lon peut cognoistre et recueillir, combié sont les Roys despourueux de sens, qui mesprisans ne ne tenans copte des gens de bien et de vertu, departiffant leurs richesses au vicieux disfimulateurs, et leur baillant les grandes charges, mettent leur Royaume et dignité en la main et foy de gens qui n'estiment foy du monde, et n'ont rien plus cher que leur ambi-

tion & conucitifes insatiables. Icy donc Prircesse tresillustre, vostre prudece & equanimis té m'est grandement necessaire & requise, car vous estant enueloppee de tant d'autres soings & cures, que vous ne pouuez de vous mesmes considerer ny euiter les embusches & trahis fons du monde, ny preuoir par raison & discours longuement medité la grandeur des dangers, telle qu'elle se prepare, on peut preparer de tous costez de la Chrestienté contre vostre coronne. Et pourtant ie vous supplie treshumblement, & tant que ie puis, qu'en premier lieu vous prenez en honne part ceste entreprinse mienne & effort (ce que certes vous ferez, si vous cosiderez & regardez naifuement, de quel vouloir & affection enuers vous procede celt escrit) & apres qu'il vous plaise n'y faire aucun iugemet ou donner sentence pour luy, ou contre luy, l'acceptat pour bon, ou le condempnat pour temeraire & fol que vous ne l'ayez entierement leu.

ais

K IK .

ek

01

15 &

DO.

tk

TOTE

net i

Mais tout ainsi que la religió est la premiere & principale de toutes les vertus (car elle les comprend toutes en soy, & leur done sour ce, origine, essicace, & entretenement (d'autant plus saut il aussi craindre que l'irreligió, & impieté succedent en son lieu, & soubz vn saux voile & masque de saincteté, n'obscurcissent daneatissent toute saincteté. Car commeil n'y a rien plus contraire à la vertu, que

Ε

la faulse apparence & simulachre fainct de la vertu, auffi se voit clairement en la religion? carrienne luy nuist tant, ne l'impugne, que vne fause apparence, & saincte timulation d'elle. Certes, ce crime compréd en soy toute meschancete, & soubz faulse converture de pieté contient & attire tous les vices du monde, & mesmement cestuy-cy principal, qu'en abbas tardissant le vray denoir de la religion, toute pieté est esteincte & abolie, & la memoire esfacée du vray & sincere seruice de Dieu . Or icy quelqu'vn diratouy, mais cela ce se faict pour haine que ceux de ceste religion portent autrement aux Roys, & aux princes: mais que cela prouient seulement pour le different de la Religion: de forte que les Monarques & fou uerains Seigneurs des Provinces & terres de ce monde, se veulent accorder auec eux quant à la forme & institution du service de Dieu, il ne faut pas lors craindre que la religion leur porté aucun dommage, ne qu'aucun danger leur aduienne, ny au corps, ny aux biens, par aucun tumulte ou fedition, ou mutinerie et meschanceté populaire. Or ceuxqui disent celà, il faut donc suiuamment qu'ils confessent aussi que celle religion apportera donc nuifance & dommage, mort, troubles, machinations, trahisons, & reuersement d'estat aux Roys & Princes, quine se voudront departir de l'ancienne maniere & faço de seruir Dieu,

qu'ils n'ontapprins & receu de main en main, de leurs predecesseurs, ny delaisser la religion, en laquelle ils ont esté fainctement & fagement instituez & nourris, pour suiure la folie et fantasse du peuple mal apprins et entendu.

ue v

md.

piet

tout

re el-

. Ot

rtesi

s que

otá

& fot

(Sign

iest don

inge

5, 92

rick

ntc

fet.

nei-

him

IN

artif

)jeuj

Or vous me direz:le n'ay pas tant à cœur vn Royaume temporel, que pour la conuoitife & entretien d'iceluy,i'en vueille perdre les biens et richesles de l'eternel, ains plus - tosthazarderay de bon cœur le tout, et me mettray és plus grands dangers du monde, pour-. ueu que par ce moyen ie me face le chemin auciel. Princesse tres-illustre, vous disant cela,ie ne m'en elbahy point, car c'est le dire d've cœur genereux, haut et magnanime, qui mefprise les commoditez de ceste mortelle vie, vaine, brefue, caducque, et n'aspire qu'au eter nelz, et vers iceux dreffe toute son estude, amour et soing:car en ceste vie terrestre, qu'est ce qu'il y a de bon et hors de danger? qu'est ce qu'il y a, qui ne soit circonuenu & ordinairement exposé à infinies miseres & calamitez, qui de tous costez l'enuironnent? Banquets, festins, ieux, esbatemens, ioustes, tournois, & dances, & tous aures passe-temps du monde, font incontinent, & le plus souuent suivis & accompaignez de grandes tristesses & de uleurs. Bref toute lieffe se fit presque tousiours en pleurs & melancolie, pour les infortunes. & disgraces qui s'y rencontrent. Et quad tout

Bii

yroit à souhait, si est ce qu'à la fin il faut gouster l'aigreur de la mort, qui n'est iamais trop
long, ains nous guette tousiours de pres estant
incessamment à nostre dos, & gaignant tousiours quelque chose sur nous : car c'est follie
de penser que la mort ne nous guette point si
n'est alors qu'elle nous oste la vier car certes
elle est tous les iours aux laguets, & à chasque
heure & minute prend quelque point sur nos.
Et par ains, peu a peu nous accable & ruine,
& est mal sage qui ne s'aduisse, veu que tous
momens nous sommes assaillis & cueillis d'elle, & tout ce qui s'en va ou perd de nostre aa-

ge, elt consommé par sa cruanté.

Parquoy si vostre cœur, entendement & pensee, sont du tout dressez là, & que vous ayez arresté ne vous soucier de mal peril, voire mesmes quant tout le monde auroit coniure contre vostre corronne, & seroit prest de vos donner l'assaut,n'en tenir compte, pourueu que par ce moyen vous vous repariez le chemin de la vie heureuse & celeste. Ie ne sçaurois certes iamais affez louer ceste vostre excellente nature & inclination en cela. Mais laissons ces choses trop espineuses, & leurrequerons qu'ils facent demonstration & preuue de celle parolle divine qu'ils ont toufiours en la bouche, qu'ils en exhibent les œuures & l'exploictent par effect. En cecy, ma Dame, vous plaira me permettre que l'espeluche en

rierement la verité des choses, & la recherche iusques au bout, tellement que le tout vienne en cuidence, & qu'on cognoisse en quelle sorte la discipline & doctrine de l'Euangile a etté ordonnée par eux. l'entendrois donc volontiers d'eux, si depuis tant de temps en ça, & tant d'années qu'ils regnent, ilz ont mis en euidence quelque haut & fingulier faict, par lequel on soit contrain & de confesser, qu'ilz sont manez & conduits par le seul esprit, & parolle de Dieu. Tu parles bien (diront ilz) · mais aussi tu dois sçauoir, que l'ouurage de Dieu est (comme dit Hieremie) d'abatre auat qu'edifier, les vieux edifices & masures, qui ne seruent que d'empeicher l'œuure nouuelle,& auant planter nouveaux arbres fruictiers, arracher les vieilles & inutiles entes, pour donn'er substance, & lieu aux bonnes greffes, qu' on y plante : Ce qui est cortes vray, & l'accors de: mais i'attends aussi & considere ententinement, yavant tout mon lens suspens & arreste, qu'est ce qu'auec tant d'effort & vehemé= ce impetueule vous ruinez & abatez, quelles plantes arrachez vous ? à ce qu'en fin finale ie puisse voir l'edifice du Seigneur restaure & remis en sa premiere dignité, & contempler son beau iardin enté & semé par art exquis & fingulier, de toutes excellentes plantes, en elles admirables & prodigieufes vertus. Sus, haftez vous, ie vous prie, & y employez tout vothe

t gop

S DIN

eltan

tool

folie

cents

alqu

rnot.

vine,

dd,

C 22

eptå

3200

Voi:

pier

en

TIE

cho |çıs

I ET

res.

MIL

EG,

10

foing, estude, & labeur, & faictes tant que vous conduisez cest excellent & beau ouurage en son entiere & parfaicte fin. Mais si de toutes. ces choses ils n'en peuuent faire, ny reprefenteraucune, ains au contraire, renuersent, & mettent bas ce peu de crainte, & d'honneur. & reuerence, qui restoit de l'ancienne discipline, & de la religion Apostolicque & Romaine receue de main en main depuisle temps. des Apostres. Si d'auantage ilz n'arrestent en. lieu du monde, où soudain ne s'engendre, & forte vn discontentement, & mespris de loix, licence & abandon de toutes choses, furiofitez, cruautez, conuoitifes, ambitions, iniquitez, & telles autres pestes, et pernicieuses, humeurs du genre humain, qui corrompét les mœurs, ameinent troubles, excitent seditions & tumultes: seront ilz neantmoins si effrons tez & manteurs, d'oser faire mention de l'E. uangile, & s'en dire restaurateurs? O euangile perniticux & fra dutent le signifiant en son vray & propre non, apport des bonnes nous nelles, il nous en apport de manuaises & pestiferes: si donnat esperance de liberté, il nous met au col vn tresgriefiong de dure seruitude si nous attirant souz l'espece & couleur de tout bien & plaisir, il nous remplit de griefs foings, cures, douleurs, & trifteffes : fi promettant monstrer la droite voye du ciel, il nous precipite, & iette ceux qui se fias en luy le sui-

uent és profonds et obscures regios de trilles-Te,et misere eternelle: Car quel autre chemin y a-il au ciel, fors celuy qui est construict, et muny d'integrité et singuliere saincteté de vie et d'operatios excelletes et vertueules? Ceux donc qui soubz le nom et masque de pieté et de douceur, impugnent et guerroient le soing et diligence qu'on met à la suiure, qui sont ens nemis de toute humilité & douceur, ne conduisent pas les gens à la vie eternelle, ains les accablent és profonds, & horribles abysmes des brandons, & flammes perpetuelles, & de peines & douleurs qui iamais ne cessent. Confiderez, ie vous supplie, diligemmet par quelles parolles, & traits d'oraison. Dieu par la bouche, & escripture de Hieremie Prophete, distingue & separe le vray Euangile du faux. N'oyez (dit il) les parolles des prophetes, qui en vous annonceantioye, vous trompent, & decoinent: Ils vous mettent auant leurs fantafies, visions, songes, cogitations, & pensees, & ne parlent point par la bouche du Seigneur : car ilz vient de tels langages enuers ceux qui m'outraget, iniurient, & maudissent: paix vous fera donnée, & à ceux qui vous suiuent, & qui cheminent en la malice de leurs cœurs,ilz leur osenttenir ce langage, nul mal ne nous aduiédra. Que dirons nous sur cecy? Scauroit on mieux descrire, & noter la façon de faire de ces gens; scauroit on mieux, ou plus aperte-

e Will

agen

MUO

refea

fencis

IRCE

die

& Ro

temp

eneg

ire, å

elou

furis

s in

cieuk

peth

dition

effra

delb

1255

en la

8 pc

DOE.

uitod or å

grid

ODS

ment demonstrer leur impudence, qu'elle est notée, & demonstré par lesdites parolles du Prophete:car ceux-cy denoncent ioye & paix é ceux gui font mal, entant qu'ilz les deliurent de toute craincte, & leur promettent impunité, & asseurent la beatitude & selicité eternelle, à ceux mesmes qui font guerre à la pieté. Subioinct apres le Prophete: Mais qui est ce= luy d'eux qui air sceu & entendu le propos de ces prrolles? Certes on peut veoir que par ces dicts, les Prophetes de ce temps icy sont manifestement confignez, & demonstrez : par ce qu'ilz flattent les oreilles de plusieurs, & en toutes leurs actions, & dicts s'accommodent à leurs vices. Et de faict, nul d'eux n'a vescu en sorte que lon puisse iuger ou penser, que Dieu luy ayt communiqué son conseil : Car qui a esté d'eux si continent, & qui ayt si bien domptéles coucupilcences de la chair, que par luy ne soit venu aucun scandale, ou mauuais bruit au monde; qui d'eux a par ieusnes, abstinences, veilles, mortifications du corps, prieres continuelles, charité, dilection admirable, appaise, ou faict appaiser pour les siens l'ire & courroux du Seigneur : qui a pleuré, gemy, crié, lamenté, ietté vn riuage de larmes pour destourner de son peuple le fleau prest à cheoir de Dieu, & pour reconcilier le createur auec ses pauures creatures: Bref, qui est celuy qui a senty en soy tel seu de charité, qu'il se

soit offert à la mort pour le salut d'autruy, & quia eu le desir de souffrir & porter les peines deues au peuple pour leurs pechez: caril ne faut pas estimer que ceux à qui Dieu a imparty quelque don exquis de grace, ou quelque excellente reuelation pour reformer le monde, soyent accompagnez de mediocres vertus, ains faut bien croire, qu'ils excellent en toutes sortes de graces & merueilles du Seigneur, & mesmement en dilection rare, & en feu de charité admirable: car ny les Prophetes, ny les Apostres, ny tous les autres saincts peres du temps iadis, ausquelz Dieu a donné speciale reuelation, & les a fait de sen conseil priué, ne sont paruenus à ce haut & supresme degré de reputation de saincteté, par vie mondaine & delicate, & par telle que ceux ici suiuent, & en laquelle ils fe plaisent tant parmy les banquets, festins, & ioyeuses compagnies: mais bien par vne austerité de vie saincte, incorruption de mœurs, continence admirable, peines, tourmens, trauaux, veilles, pleurs, larmes, prieres, amour & desir continuel des cho ses celestes, elevation d'esprit vers Dieu, & par vn feu & ardeur incroiable de charité, tel lement qu'ils estoient tousiours prests d'exposer leur vie pour le salut de tous, & peines intollerables. Toutes lesquelles vertus & singua laritez admirables, n'ayans apparence aucuno d'estre en ceux cy, ne d'ytrouuer le moindre

27 9 ----

pus-

picz

W CO

111 (2

&c

cu a

qui

ar Iz

001

5, 2

OTT

rms

alcu

lieu du monde, & que mesmes en tous leurs faits & façons de viure, ils monstrent claire. ment qu'ils ne sont point eslognez des commoditez de ceste vie ny des allichemens de la chair, & que neantmoins ils parlent, en forte comme s'ils auoient esté especiaux coseilliers de Dieu, & que ils eussent charge expresse de luy annoncer & dire tout ce qu'ils disent. Ne faut il pas estimer que dieu par le lieu susdict du Prophete, argue leur impudence & temerité,& leur annonce malediction & ruines perfes, bannissemens & destructions eternelles?Peu apres, le mesme Prophete ameine vn vray & infallible figne, pour cognoistre & diftinguer les bons & loyaux prophetes, d'entre ceux qui annoncent mensonges & faucetez, car il parle ainsi : S'ils eussent porté mes parolles au peuple certes ilz l'eusset destourné de ses mauuailes voyes, & de ces cogitations & pensées execrables. Par laquelle diuine sen tence il appert que la où les vrays Prophetes & faincts Docteurs se mettent a instruire & endoctriner le peuple ; à reprendre les vices & pechez, à les exhorter a penitence, plusieurs incontinent se convertissentà meilleure vie & laissent de jour en tour leurs mœurs corrompues, & profitent fi bien en changement de vie, qu'esprins de l'amour & desir de la gloire et vie immortelle, mesprisent les delices et voluptez du corps, et ne tiennent com-

pte des commoditez de ceste vie. Dequoy. vient on, helas!en telle fureur, que Chrestiens non seulement haissent & persecutent la croix de lesus Christ, & adorent au lieu de Dieu, leurs vices, leurs fables, & inventions, ains en. cores nyent le createur de toutes choses, duquel la puissance est redoubtée, mesmes aux profonds abismes des enfers. Helas!est il posfible qu'en ces temps malheureux il y en ait & d'vn costé & d'autre, qui cuident qu'il ne soit point, ou qu'il ne gouuerne point ces choles inferieures:ô malheurl ô calamité! > Et qui est . (dira-lon) si meschant & malheureux, qui con çoiue en soy vne si detestable opinion! helas! il y en a plusieurs, & pour ne se departir point des nouueaux Euangeliques, vous trouuerez plusieurs gens au monde, qui montans par ces nouvelles disciplines degré en degré, sont pars uenues à la fin en ce comble de malheureté: car comme en tous autres artifices & sciences nul n'est iamais tout à coup parfaict maistre, ains faut tousiours commencer aux premiers rudimens et apprentissages, & ainsi petit à petit, paruient iusques au supresme degré de perfection. O Dieu regarde nous, & aye pitie de nous. Trop me suis essacé & pous. sé auant, et beaucoup plus que ie n'auois entreprins, ne pense toutesfois (Princesse tresillustre d'autant que ie desirois vous admone. steren toute obeissance des choses, par lesquel

eŝ

rit

ice

W

VE

ett

vies vous establiriez plus fermement vostre estat & regne, & que par niesme moyen i'entreprennois de vous monstrer que le principal dapuy de confirmer et asseurer vostre coronne, confilloit en la religion, et qu'il n'y auoit rien qui plus vous peut nuire, qu'vne religion et saincteté faulse & faincte. le n'ay point penfé qu'il y eust chose qui fust mieux à mon pro post, que de vous mettre deuant les yeux les fignes et marques par lesquelles vous puissiez cognoistre les embusches, qui gisent soubz le voile et hypocrifie d'vn beau et faux semblat en matiere de religion et culture Diuine. Et pourtant s'il vous souuient des effectz que i'ay racopté, qui prouiennet de l'yne et l'autre religion, vous pourrez aisement cognoistre laquelle est la fause, ou laquelle est la vraye. Car ii la vraye religion abbat l'ignorance, reprime et amortit l'ire, refrene la cupidité, modere l'intemperance, chasse les vices de l'ame, conserue la modestie et soubrieté, engraue et metau cœur des hommes la crainte de Dieu. establit la loyauté et la foy que on doit aux Princes etRoys, maintiét la concorde, enfias mele cœur d'vir chacun, du desir et amour du Royaume celeste. Certes celle qui engendre la fierté, incite courroux, desirela conuoi tife, souille et remplist l'hommedes meschancetez, estainct la hôte, oste la crainte de Dieu, tendembusches aux Roys, trouble la paix

embrasse la hayne, pousse les hommes au feul, desir des choses terrestres, & les y precipite & nove, n'est pas la vraye & fincere religion, ainçois la faulse, pernitieuse, & desloyalle. Or ay- ie demonstré que ceste seule secte (si touresfois on la peut appeller seule, veu qu'elle est diuisee en tant d'autres sectes& partialitez, & n'a rien de ferme & folide en foy) est popus laire & seditieuse. Car soubz l'espece & douceur d'vne franchise & liberté proposee, & d'vne trop grande licence, elle arme les peuples contre leurs Roys, contre leurs Magistrats rompt les loix, et met foubz les pieds toute obeissance, et reuerence qu'on doit aux superieurs, & par l'authorité d'yne faulse doctrine & persuasion, confirme l'audace, fureur, & rebellion des mutins. Et toutesfois si elle no touchoit que l'Empire & domination tempos relle des Princes & Roys, & qu'elle ne passaft plus outre, & n'apportast perte & ruine extremeauxames, & n'engloutist les consciences, & les precipitast au comble de tout malheur, & ne serrast du tout la porte au Royaume des cieux, elle seroit aucunement tolerable, & moins pernicieuse. Mais cest-cy est obtenue contre Sathan, contre le monde, et contre la chair, n'est acquise que par l'armure et puissance de Dieu. Toutes les autres attirét as utc elles mille meschacetez, homicides, forfaits et impunité d'infinis maux : mais ceste-cy e-

els

Ca

181

106

ies

stant conjointe auec le salut des homes, poura chasse consequemment, et amene auec elle la ruine, et entiere extermination de tous maux et vices. Parquoy il faut qu'elle soit d'autant plus estimée, et que elle surmonte en honeur, gloire et dignité toutes lesautres, qui s'acquierent par armes humaines, par prouesse de soldats, par force et nombre de gensdarmerie, come les choses divines sont superieures aux humaines, et les celestes passent de long trait celles qui sont fichees du tout en la terre: et d'autat plus aussi apportera ceste victoire d'ad miration aux hommes, qu'il est plus difficile, que les Princes des tenebres, les puissances inuincibles et mauuaises, et les ennemis du genre humain succombent et tresbuchent par la victoire d'vne femme mortelle qu'il n'est mal aifé que les vaillans hommes soyent en champ de bataille vaincus par autres preux et hardis hommes. Parquoy ceste tant illustre louans ge ne sera pas tant seulement florissante par la memoire de toutes les narions de la terre, mais encores fera à iamais celebrée par la bouche de Dieu, en la face de ses Anges, et en l'Eglise de ses sainctz. Contemplez (Madame) Ielus- Christ estendu deuant vous , percé et affligé, et remply de playes: lettez vous a ses piedz, embraffez sa croix, et detestez les malheureux autheurs de ceste nouuelle peste qui tant hailfent ladite croix: repoullez les loing